

Premio Promocional Santa Anna ta homenagea den aña 2000

Sra. Canisia Scharbaay-Figaroa, pilar di e desarroyo social di Noord

E prestigioso Premio Promocional Santa Anna pa aña 2000 ta bai pa Sra. Canisia Scharbaay-Figaroa.

Sra. Canisia Scharbaay-Figaroa a ser elegi pa ricibi e premio aki pa su trayectoria y trabaoan riba terreno social, cultural y humanitario, pero principalmente pa su persona cu a inspirá tanto hoben como adulto den nos comunidad dor di su caracter firme y franco. E ta un persona ehemplar y tambe un persona cu por dependé di dje.

Canisia Scharbaay-Figaroa a nace dia 8 di Februari 1940 for di matrimonio di Sr. Serafin y Sra. Maria Figaroa-Tromp comodi 7 jiu di un famia di 11 jiu en total. Anteriormente e famia tabata biba na Rooi Santo y despues a muda pa Shaba.

Despues di a cuminsá su estudio na e scol básico St. Annaschool, el a continuá pa Maria College na Playa caminda el a obtené su diploma di Mulo. Su mayornan kendenan semper tabata interesá den progreso di nan jiu na mandé studia na Hulanda. El a studia na H. Hart Kweekschool na Reuver y a finalizá su estudio na R.K. kweekschool St. Joseph na Bergen.

Promé cu el a caba su estudio, ya e soeurnan di Bethanië a aserké pa traha na St. Annaschool. El a reemplazá promé tres luna na St. Rosa school y despues el a traha 36

aña na St. Annaschool.

Ya di tempo cu e tabata bai scol básico, el a mostra hopi interes pa gruponan social y religioso. For di klas 5 cba e tabata miembro di E.K. (Eucaristische Kruistocht), cual tabata un organizacion religioso cu e meta pa duna formacion religioso y social na hobennan. Cu canto, baile y comedia nan tabata deleitá e pueblo di Noord.

Tambe di klas 5 caba e tabata miembro di coro Santa Anna y tambe miembro di un grupo di comedia. Na Hulanda el a haci vakantiewerk pa muchanan menos afortuná.

Despues cu el a caba su estudio y a cuminsá traha, e tabata miembro activo di Asistencia Social Noord den añanan 60. Tambe el a yuda SKA (Stichting Kindervakantiewerk Aruba) pa varios aña organisá y fungi como guía na e campamentonan pa muchanan menos afortuná na Centro Hubenil Washington.

E tabata tambe Amica (leidsster) di AMG (Antilliaanse Meisjes Gilde) pa mas cu 9 aña y a desplegá su talentonan di canto den Coro Mixto di Noord y su talentonan di baile den un Grupo Foklórico bao guía di Sra. Maria Maduro-Tromp.

Na St. Annaschool e tabata hopi activo cu e preparacion y celebracion pa cu e fiesta anual di Himno y Bandera y a lanta un grupo di Dera Gai hubenil.

Actualmente e ta miembro di laiconan cu ta yuda den



parokia di Noord como guía pa preparacion di Sacramento di Bautismo, como lesadó bao Santo Sacrificio di Misa y coo guía pa preparacion pa Promé Santa Comunión pa muchanan cu no tabai un scol Católico.

Na aña 1961 el a contraé matrimonio cu Eligio Scharbaay q.e.p.d. for di cual matrimonio a nace dos jiu, esta Marcel y Desirée, y e matrimonio di Desirée y Remy Jacobs a regalá Sra. Canisia e bunita nieta Mireille cu ta un mucha hopi spiertu.

Cu sumo orguyo, pueblo di Noord ta otorgá Sra. Canisia Scharbaay-Figaroa e prestigioso Premio Promocional Santa Anna pa aña 2000.

Himno y Bandera

"Simbolonan
di identidad
di un pais
den marcha
di progreso"

(J.C. "Padu" Lampe)

Pabien
Aruba

Nos Identidad, Nos Orguyo...


Nos Himno y Nos Bandera



ta felicita comunidad
di Aruba riba e dia aki

Sinti bo orguyoso di
ta Arubiano!

Oh, Aruba,
dushi tera nos
baranca tan
stima... !!!



CARIBBEAN MERCANTILE BANK N.V.

Bo Banco amigo, Bo Banco di confianza